



Republika e Kosovës
Republika Kosova-Republic of Kosovo
Qeveria - Vlada - Government

MINISTRIA E SHËNDETËSISË/MINISTARSTVO ZDRAVSTVA/MINISTRY OF HEALTH

**STATUTI I PËRKOHSHËM
I ODËS MJEKËSORE TË REPUBLIKËS SË
KOSOVËS**

Prishtinë

Në mbështetje të nenit 47 .1 dhe 59.2 të Ligjit për Odat e Profesionistëve Shëndetësore, Ministri i Shëndetësisë pas konsultimit me këshillin për përgatitjen dhe konstituimin e odës së mjekëve miraton:

STATUTIN E PËRKOHSHËM TË ODËS MJEKËSORE TË REPUBLIKËS SË KOSOVËS

I. DISPOZITAT E PËRGJITHSHME

Neni 1

Oda mjekësore e Kosovës (në tekstin e mëtejshëm: Oda) është organizat e pavarur profesionale e mjekëve që ushtron veprimtari profesionale mjekësore në Republikën e Kosovës.

Neni 2

Oda është organizatë e pavarura e cila mbron dhe prezanton interesat profesionale të anëtarëve të saj, siguron standardet e larta të kodit të etikës dhe deontologjisë mjekësore, promovon dhe mbron veprimtarinë e profesionistëve shëndetësorë në institucionet shëndetësore publike dhe private, siguron edukimin e vazhdueshëm profesional me qëllim të ofrimit sa më cilësor të shërbimeve shëndetësore dhe shërbimeve tjera që kanë të bëjnë me kujdesin shëndetësor.

Neni 3

Me këtë Statut të Odës, më për së afërmi rregullohet emërtimi, selia dhe organizimi i brendshëm i Odës, anëtarësia në oda, kompetencat e odave, organizimi dhe funksionimi i odave, mbajtja e regjistrit të anëtarëve të odave, organet e odave, mënyra e zgjedhjes dhe revokimit të anëtarëve të odës, përbërja dhe kompetencat e organeve të odës, përgjegjësia disiplinore e anëtarëve të odave, procedurat para këshillit etikë dhe gjyqit të nderit të odës, shqiptimi i masave disiplinore, burimet e financimit të odave dhe çështjet tjera me rëndësi për punë dhe funksionim të odave.

Neni 4

1. Oda ka statusin e personit juridik me të drejtat, detyrimet dhe përgjegjësitë të parapara me ligjin për Odat e Profesionistëve Shëndetësor dhe këtë statut.

2. Oda do të veprojë në emër të vetë dhe do të jetë përgjegjëse për detyrimet e veta me të gjitha pasuritë e tyre.

II. EMËRTIMI DHE SELIA

Neni 5

1. Emërtimi i odës është : Oda Mjekësore e Kosovës (OMK).

2. Selia e Odës është në Prishtinë.

Neni 6

Odën e përfaqëson dhe reprezenton Kryetari i Odës

Neni 7

1. Oda e ka vulën e vet të rrumbullakët, të dimensionit 30 mm e cila përmban tekstin `` Republika e Kosovës – Oda Mjekësore e Kosovës – Prishtinë``.

2. Oda mban edhe vulën katrore të madhësisë 50 x 25, me përmbajtje të tekstit nga paragrafi 1 i këtij neni dhe hapësirën për evidentim të numrit të aktit dhe datës së lëshuarës.

3. Mënyra e përdorimit dhe ruajtjes së vulës të rrumbullakët dhe asaj katrore rregullohet me akt te veçantë të odës.

Neni 8

1. Emblema e shoqatës mjekësore të Kosovës është simbol zyrtar i Odës Mjekësore të Kosovës.

2. Simboli i Odës Mjekësore të Kosovës gëzon mbrojtje ligjore.

III. ANTARËSIMI NË ODË

Neni 9

1. Anëtarësimi në Oda është obligativ për të gjithë doktorët e mjekësisë, të cilët ushtrojnë veprimtarinë e tyre në Republikën e Kosovës.

2. Anëtarësimi në Odë është obligativ edhe për të gjithë doktorët të cilët ushtrojnë veprimtarinë e tyre në kushte të mbrojtjes sociale, institucione tjera të organeve shtetërore, në fakultete, gjegjësisht në shkolla profesionale, në ambulanca të mjekësisë së punës si dhe në të gjitha rrethanat tjera ku ushtrohet veprimtaria shëndetësore në përputhje me ligjet në fuqi.

Neni 10

1. Statusi i anëtarit të odës fitohet me regjistrimin në regjistrin qendrorë mjekësorë të odës.

2. Organet kompetente të odës mjekësore në afat prej 15 ditësh nga dita e paraqitjes së kërkesës nga profesionistët shëndetësor me vendim lejojnë regjistrimin në regjistrin e profesionistit shëndetësor.

3. Ndaj vendimit nga paragrafi 2 i këtij neni mund të ushtrohet ankesa organit kompetente në afat prej 15 ditësh nga dita e nxjerrjes së vendimit.

Neni 11

1. Në realizimin e kompetencave dhe detyrave të odës anëtarët e odës kanë këto të drejta:
 - 1.1. Të ushtrojnë veprimtarinë për të cilën janë licencuar;
 - 1.2. Të zgjedhin dhe të zgjidhen në organet e odës;
 - 1.3. Të informohen për të gjitha çështjet e punës dhe afarizmit të odës;
 - 1.4. Që në mënyrë të drejtpërdrejtë apo nëpërmjet përfaqësuesve të vetë të japin propozime dhe shprehin mendimin e tyre për mbrojtjen e interesave dhe integritetit personal dhe të përgjithshëm në ushtrimin e veprimtarisë mjekësore;
 - 1.5. Të shfrytëzojnë, ndihmën materiale të odës nga fondi i veçantë i solidaritetit, nën kushtet dhe procedurat e parapara me akte të veçanta të odës;
 - 1.6. Të shfrytëzojnë të drejta tjera të parapara me akte të veçanta të odës.

Neni 12

1. Anëtarët e odës kanë këto obligime dhe përgjegjësi:
 - 1.1. Të respektojnë statutin e odës dhe kodin e etikës profesionale ;
 - 1.2. Që në mënyrë të rregullt të paguajnë anëtarësinë e odës ;
 - 1.3. Të marrin pjesë rregullisht dhe ti kryejnë obligimet në organet e odës në të cilat janë zgjedhur;
 - 1.4. Të respektojnë standardet dhe normat profesionale të shërbimit shëndetësorë që në mënyrë permanente të përfshihen në edukimin e vazhdueshëm profesionalë;
 - 1.5. Të përmbushin obligimet dhe përgjegjësit e tjera të parapara me akte të veçanta të odës.

Neni 13

1. Anëtarëve të odës ju ndërpritet anëtarësimi në odë në këto raste:
 - 1.1. Me revokimin e përhershëm të licencës;
 - 1.2. Në bazë të kërkesës të anëtarit të odës nga dita e marrjes së vendimit nga organi kompetent i odës për çregjistrim nga regjistri i anëtarëve të odës;

- 1.3. Në raste të humbjes së zotësisë së veprimit në bazë të vendimit të plotfuqishëm gjyqësorë;
- 1.4. Në raste të mospagesës së anëtarësisë në vazhdimësi gjashtë muaj;
- 1.5. Në rast të vdekjes së anëtarit të odës.

Neni 14

Anëtari të odës që i është ndërpre anëtarësia është i obliguar që në afat prej 7 ditësh ti dorëzojë odës kartelën e anëtarësimi dhe vulën personale.

IV. KOMPETENCAT E ODAVE

Neni 15

Kompetencat - Veprimtaritë publike të odës

1. Kompetencat publike të odës janë:
 - 1.1. Miraton kodin e etikës profesionale (kodin e etikës);
 - 1.2. Regjistron dhe mirëmban regjistrin e profesionistëve dhe bashkpunëtorëve shëndetësor dhe të gjitha Institucioneve shëndetësore;
 - 1.3. Lëshimi i licencave, ri-licencimi dhe revokimi i tyre;
 - 1.4. Zbatimi i mbikëqyrjes profesionale me angazhim të eksperteve të lëmive përkatëse;
 - 1.5. Bashkëpunimi me organet shtetërore dhe lokale që adresojnë çështjet e shëndetësisë dhe bashkëpunimi me shoqatat e tjera profesionale në vend dhe jashtë vendit;
 - 1.6. Ushtrojnë mbikëqyrjen profesionale dhe ligjore mbi punën e profesionistëve shëndetësor;
 - 1.7. Planifikojnë, zbatojnë edukimin e vazhdueshëm profesional;
 - 1.8. Ndërmjetëson në kontestet në mes anëtarëve të odës dhe shfrytëzuesve të shërbimeve shëndetësore;
 - 1.9. Organizon gjyqet e nderit në lidhje me përcaktimin e shkeljeve dhe obligimeve profesionale të anëtarëve të odave dhe shqipton masa disiplinore;
 - 1.10. Cakton lartësinë e anëtarësisë të anëtarëve të odave;
 - 1.11. Cakton lartësinë e taksës për licencim, ri-licencimit, dhe lejeve tjera për ushtrim të veprimtarisë profesionale në bazë të autorizimeve ligjore;

1.12. Lëshon kartelat e identifikimit dhe numrat identifikues për anëtarët e odave;

1.13. Me kërkesën e anëtarëve të odës lëshon certifikata, vërtetime dhe dokumente tjera në bazë të evidencës zyrtare të odës.

Neni 16

Përgjegjësit publike organet e odës i ushtrojnë sipas procedurës së paraparë me Ligjin mbi Procedurën e Përgjithshme Administrative.

Neni 17

Kompetencat tjera të odës

1. Përveç autorizimeve publike nga neni 8 i Ligjit mbi Odat e Profesionisteve Shëndetësor, oda ushtron edhe këto punë:

- 1.1. Përfaqëson dhe mbron interesat profesionale të anëtarëve të odës në ushtrimin e profesionit;
- 1.2. Kujdeset për ruajtjen e autoritetit të anëtarëve të odave në ushtrimin e punëve profesionale në pajtim me etikën profesionale;
- 1.3. Mban evidencën e anëtarëve të odave që ushtrojnë veprimtarinë private shëndetësore dhe të cilit janë të regjistruar në regjistrin e organit kompetentë në pajtim me ligjin;
- 1.4. Bashkëpunimi me organet shtetërore dhe lokale që adresojnë çështjet e shëndetësisë dhe bashkëpunimi me shoqatat e tjera profesionale në vend dhe jashtë vendit;
- 1.5. Bashkëpunimi në përgatitjen e ligjeve, dokumenteve si dhe akteve tjera nënligjore në sektorin e shëndetësisë si dhe mbikëqyrja e zbatimit të tyre;
- 1.6. Propozimi dhe inicimi i procedurave për nxjerrjen e akteve të përgjithshme dhe të veçanta në përputhje me Ligjin, Statutin dhe aktet tjera të Odës;
- 1.7. Përcaktimi i çmimores së shërbimeve shëndetësore dhe shërbimeve farmaceutike, ne bashkëpunim me Fondin e Sigurimeve Shëndetësore dhe shfrytëzuesit e shërbimeve shëndetësore;
- 1.8. Përcaktimi i çmimeve të produkteve medicinale ne bashkëpunim me institucionet tjera përgjegjëse;
- 1.9. Bashkëpunimi ne përpilimin e plan-programeve për edukimin e vazhdueshëm profesional për të gjithë profesionistët shëndetësorë;

- 1.10. Zbatimi i aktiviteteve shkencore dhe hulumtuese në përputhje me detyrat dhe përgjegjësitë e Odës;
- 1.11. Përfaqësimi i interesave profesionale dhe sociale të profesionistëve shëndetësorë dhe bashkëpunëtorëve tjerë;
- 1.12. Konsultimi, ofrimi i ndihmës dhe përfaqësimi i interesave të anëtarëve në fushën e legjislacionit si dhe lēmive tjera që ndërlidhen me fushën e shëndetësisë;
- 1.13. Pjesëmarrja në vendimmarrje në lidhjen e kontratave me Fondin për Sigurime Shëndetësore;
- 1.14. Krijimi dhe menaxhimi i fondit të Odës;
- 1.15. Bashkëpunon në parandalimin e veprimtarisë shëndetësore ilegale;
- 1.16. Përgatitja dhe lëshimi i formave dhe dokumenteve si dhe i revistave, librave dhe publikimeve tjera;
- 1.17. Promovimi i bashkëpunimit ndërmjet anëtarëve të Odës;
- 1.18. Promovimi dhe zbatimi i aktiviteteve kulturore dhe shoqërore të anëtarëve, organizimi i ngjarjeve kulturore, sportive dhe ngjarje të tjera sociale;
- 1.19. Emërimi i përfaqësuesve të Odës në marrëveshje me institucionet e te gjitha niveleve të kujdesit shëndetësor;
- 1.20. Zbatimi i aktiviteteve tjera në përputhje me ligjin, këtë statut dhe aktet tjera të përgjithshme të Odës.

V. ORGANET E ODËS

Neni 18

1. Organet e Odave janë:

- 1.1. Kuvendi;
- 1.2. Kryetari i odës;
- 1.3. Këshilli drejtues;
- 1.4. Këshilli mbikëqyrës i Odës;
- 1.5. Këshilli etik;
- 1.6. Gjyqi i nderit;
- 1.7. Prokurori i Odës;

- 1.8. Komisionet e përhershme të odës.
2. Mandati i anëtarëve të organeve të odës është 4 vite.
3. Kompensimi i shpenzimeve material të odës si dhe kompensimi për punë të anëtarëve të odës përcaktohet me akte të veçantë normative të odës të aprovuar nga kuvendi i odës.
4. Mënyra e zgjedhjes dhe revokimit të anëtarëve të organeve të odës përcaktohet me rregullore të veçantë.

Neni 19 **Kuvendi i Odës**

1. Kuvendi është organi më i lartë i odës i cili ushtron të gjitha të drejtat dhe përgjegjësitë të parapara me ligj dhe këtë statut.
2. Mënyra e zgjidhjes dhe revokimit të anëtarëve të Kuvendit të odës përcaktohet me rregulloren mbi procedure e kandidimit dhe revokimit të anëtarëve të Kuvendit të odës dhe të organeve tjera të Odës.
3. Anëtarët e Kuvendit të OMK zgjidhen me votim të drejtpërdrejtë në njësit zgjedhore të përcaktuara nga komisioni qendrorë zgjedhor i odës mjekësore.
4. Institucionet publike shëndetësore të nivelit parësorë në çdo 50 anëtarë të regjistruara zgjedhin një anëtarë për kuvendin e odës mjekësore.
5. Institucionet publike shëndetësore të nivelit dytësorë në çdo 35 anëtar të regjistruara zgjedhin një anëtarë për Kuvendin e Odës Mjekësore.
6. Institucionet publike te nivelit tretësore në çdo 25 anëtarë të regjistruara zgjedhin një anëtarë për kuvendin e odës mjekësore.
7. Institucionet Private Shëndetësore te organizuara ne asocionin profesional te IPSH-se delegojnë 10 anëtarë ne Kuvendin e Odes Mjekësore.
8. Institucionet e mbrojtjes sociale, shërbimit korrektues te Kosovës, FSK-se dhe SHPK'së delegojnë nga një anëtarë në Kuvendin e Odes Mjekësore.
9. Mjekët nga Diaspora të organizuar përmes shoqatave profesionale delegojnë 5 anëtarë në Kuvendin e OMK.
10. Shoqatat e Psikologeve te licencuar klinik delegojnë 7 anëtarë në Kuvendin e Odes Mjekësore
11. Me qëllim të formimit më të lehtë të njësisve zgjedhore shmangiet nga kriteret e numrit të mjekëve të regjistruar në institucionet publike dhe private mund të jenë $\pm 5 \%$

Neni 20

Psikologet e licencuar klinik do të kenë një njësi të veçantë zgjedhore dhe organizim të veçantë administrativ në kuadër të Odës së mjekëve të Kosovës.

Neni 21

Kompetencat e Kuvendit

1. Kuvendi është organi më i lartë i odës, i cili ka këto përgjegjësi dhe autorizime:
 - 1.1. Miraton, ndryshon dhe plotëson statutin dhe aktet e tjera normative;
 - 1.2. Miraton kodin e etikës profesionale;
 - 1.3. Miraton programin e punës së odës;
 - 1.4. Miraton rregulloren e punës së odës;
 - 1.5. Zgjedh dhe shkarkon kryetarin;
 - 1.6. Miraton dhe shkarkon anëtarët e këshillit drejtues të odës;
 - 1.7. Zgjedh dhe shkarkon kryetarin, zv. kryetarin dhe anëtarët e këshillit etikë;
 - 1.8. Zgjedh dhe shkarkon kryetarin dhe anëtarët e këshillit mbikëqyrës;
 - 1.9. Zgjedh dhe shkarkon kryetarin dhe anëtarët e gjyqit të nderit;
 - 1.10. Zgjedh dhe shkarkon Prokurorin e odës;
 - 1.11. Zgjedh dhe shkarkon kryetarin dhe anëtarët e komisioneve të përhershme të odës;
 - 1.12. Përcakton lartësinë e anëtarësisë për anëtarët e odës;
 - 1.13. Përcakton lartësinë e kompensimit (taksës) për anëtarët e odës, taksën për licencim dhe rilicencim si dhe lartësinë e taksës për lëshimin e certifikatave, vërtetimeve dhe dokumenteve tjera për të cilat oda mban evidencë zyrtare;
 - 1.14. Përcakton lartësinë e kompensimit për regjistrim në regjistrin e anëtarëve të odës;
 - 1.15. Vendos për lartësinë e mjeteve të ndara për fondin e odës për ndihmë reciproke të anëtarëve të odës;
 - 1.16. Shqyrton dhe miraton raportet e punës së organeve të odës;
 - 1.17. Miraton raportin vjetor të odës;
 - 1.18. Miraton raportin financiarë dhe llogarinë përfundimtare të odës;
 - 1.19. Miraton raportin mbi punën e këshillit drejtues të odës;

- 1.20. Merr vendim për shkarkim të kuvendit të odës dhe shpall zgjedhjet e parakohshme;
- 1.21. Vendos për anëtarësim të odës në organizatat ndërkombëtare si motra, merr vendime për ndarjen e mirënjohjeve dhe shpërblimeve të odës;
- 1.22. Shqyrton dhe merr qëndrime parimore për çështjet me rëndësi për punën e odës.

Neni 22

1. Mbledhjet e Kuvendit të Odës janë publike dhe mund të mbahen nëse janë prezent më shumë se gjysma e anëtarëve, nga numri i përgjithshëm i anëtarëve të kuvendit të odës.
2. Mbledhjen e Kuvendit të Odës e udhëheq kryetari i odës.
3. Votimi për pikat e rendit të ditës është i hapur përveç në raste kur kuvendi vendos ndryshe.
4. Statuti i Odës si dhe ndryshimet dhe plotësimet e tij miratohen me votimin e 2/3 të anëtarëve nga numri i përgjithshëm i anëtarëve të odës.
5. Vendimet tjera Kuvendi i merr me shumicën e thjeshtë të anëtarëve prezentë.

Neni 23

Me rregulloren mbi punën e Kuvendit të odës më për së afërmi përcaktohen mënyra e konvokimit të mbledhjeve të kuvendit, e udhëheqjes së mbledhjes së Kuvendit dhe mënyra e marrjes së vendimeve, dhe çështje tjera procedurale dhe teknike për mbarëvajtjen e mbledhjeve të Kuvendit

Neni 24

1. Me propozim të Këshillit drejtues, Këshillit mbikëqyrës, ose $\frac{1}{4}$ e anëtarëve të odës kryetari i odës është i obliguar të thërras mbledhjen e jashtëzakonshme të odës në afat prej 15 ditësh nga dita pranimit të propozimit.
2. Propozimi nga paragrafi 1 i këtij neni duhet të formulohet me shkrim së bashku me materialin e rendit të ditës.

Neni 25

Kryetari i Odës

1. Detyrat dhe përgjegjësitë e kryetarit të odës:
 - 1.1. Përfaqëson odën dhe vepron në emër të saj;
 - 1.2. Fton dhe udhëheq seancat e kuvendit;

- 1.3. Ushtron të gjitha kompetencat, të cilat nuk i jepen në mënyrë eksplicite kuvendit të odës;
- 1.4. Ekzekuton aktet e kuvendit të odës;
- 1.5. Emëron apo shkarkon zëvendësit e tij/saj;
- 1.6. Organizon punën dhe drejton politikën e odës;
- 1.7. Propozon rregullore apo akte të tjera për miratim në kuvendin odës;
- 1.8. Raporton para kuvendit të odës për situatën ekonomiko-financiare të odës, së paku njëherë në vit apo kurdoherë që kërkohet nga kuvendi i odës;
- 1.9. Aktivitetet tjera që i caktohen me statut.
- 1.10. Në rast mungese kryetarin e odës e zëvendëson njëri nga zv. Kryetarët e odës.

Neni 26

Kryetari i Odës, zëvendës Kryetarët, nuk mund të jenë persona të zgjedhur dhe të emëruar në funksione tjera publike dhe politike, përveç profesionale mjekësore dhe ne mësimdhënie.

Neni 27

Kryetarin e Odës e zgjedh kuvendi i odës në pajtim me rregulloren mbi procedurën e kandidimit dhe mënyrën e zgjedhjes dhe revokimit të anëtarëve të odës dhe organeve tjera.

Neni 28

Këshilli Drejtues

1. Këshilli drejtues i Odës ka njëmbëdhjetë (11) anëtarë, nga të cilët një (1) anëtarë i komunitetit jo shumicë dhe një (1) anëtarë nga radhët e komuniteteve tjera.
2. Kryetari dhe zëvendës kryetarët e Odës janë anëtarë të këshillit drejtues sipas detyrës zyrtare.
3. Pesë (5) anëtarë të këshillit drejtues i zgjedh kuvendi i Odës nga radha e anëtarëve të vetë, ndërsa tre (3) anëtarë të këshillit drejtues i delegon Ministria e Shëndetësisë.
4. Mënyra e punës së këshillit drejtues më hollësisht rregullohet me statut.
5. Sekretari i Përgjithshëm i Odës është person i ftuar gjithmonë në takimet e Këshillit drejtues.
6. Sekretari i Përgjithshëm i Odës nuk ka të drejtë vote por ka të drejtë për të propozuar pika në rendin e ditës dhe dokumentet mbështetëse të tyre.

Neni 29

1. Këshilli drejtues i odës:

- 1.1. Është përgjegjës për zbatimin e vendimeve të odës;
- 1.2. Përcakton propozimin e statutit dhe akteve tjera të odës;
- 1.3. Propozon Kuvendit anëtarët e organeve të odës;
- 1.4. Përcjell dhe harmonizon, punën e organeve të odës;
- 1.5. Përcakton propozimin e programit të punës të odës;
- 1.6. Propozon organeve shtetërore masat për mbrojtjen dhe përparimin e mbrojtjes shëndetësore dhe sigurimit shëndetësore;
- 1.7. Përcakton planin financiarë të odës dhe kujdeset për zbatimin;
- 1.8. Miraton llogaritë periodike financiare;
- 1.9. Emëron dhe shkarkon sekretarin e përgjithshëm të odave;
- 1.10. Shqyrton dhe miraton raportet periodike të punës së odave në fushat për të cilat është përgjegjëse;
- 1.11. Miraton rregulloren mbi organizimin dhe sistematizim e punëve të shërbimit profesional të odës dhe merr masa për sigurimin e ligjshmërisë dhe efikasitetin e punës të shërbimit profesional;
- 1.12. Vendos në shkallë të dytë sipas ankesave nga marrëdhënia e punës të punëtorëve të shërbimit profesional të odës;
- 1.13. Kryen dhe punë tjera të parapara me statut të odës.

Neni 30

1. Këshilli drejtues merr vendime me shumicën e votave të anëtarëve të këshillit drejtues.
2. Mandati i anëtarëve të këshillit drejtues zgjate katër vite dhe përputhet me mandatin e anëtarëve të kuvendit.
3. Mbledhjet e Këshillit Drejtues i udhëheqë Kryetari i Këshillit Drejtues.
4. Pikat e rendit të ditës të mbledhjes së Këshillit Drejtues dhe materialet lidhur me to i përgatitë Kryetari i Këshillit Drejtues në bashkëpunim me Kryetarin e Odës dhe Sekretarin e Përgjithshëm të Odës.

5. Këshilli drejtues mban mbledhje të rregullta së paku njëherë në muaj.
6. Në mungesë të kryetarit të Këshillit Drejtues, mbledhjet e këshillit drejtues i udhëheq njëri nga anëtarët e këshillit drejtues.
7. Këshilli Drejtues për punën e vetë i përgjigjet Kuvendit të Odës.
8. Mënyra e punës së Këshillit drejtues përcaktohet me akte të veçantë.
9. Këshilli Drejtues paraqet raport me shkrim Kuvendit për punën e tij së paku dy herë në vit.

Neni 31 **Këshilli mbikëqyrës i Odës**

1. Këshilli mbikëqyrës i Odës:
 - 1.1. mbikëqyrë dhe përcjellë afarizmin financiarë të Odës;
 - 1.2. përcjellë dhe mbikëqyrë realizimin e të drejtave dhe obligimeve të anëtarëve të Odës;
 - 1.2. mbikëqyrë dhe përcjellë punën e shërbimit profesional të Odës;
 - 1.4. propozon këshillit drejtues marrjen e masave dhe veprimeve në rastet kur vlerëson se ka shkelje ligjore dhe të akteve të miratuar nga kuvendi i Odës;
 - 1.5. kryen dhe punë tjera të parapara me statut dhe me akte tjera të Odës.
2. Këshilli mbikëqyrës i Odës përbëhet nga shtatë (7) anëtarë.
3. Kryetarin , zëvendës Kryetarin dhe tre (3) anëtarë tjerë të këshillit i zgjedh kuvendi i Odës nga radha e anëtarëve të vetë, ndërsa dy (2) anëtarë i delegon Ministria e Shëndetësisë.
4. Këshilli mbikëqyrës i Odës për punën e vetë i përgjigjet kuvendit të Odës.
5. Kryetarin, zv. kryetarin dhe anëtarët e tjerë të këshillit i zgjedh kuvendi nga radha e anëtarëve të vetë, në pajtim me rregulloren mbi procedurën e kandidimit dhe mënyrën e zgjedhjes dhe revokimit të anëtarëve të odës dhe organeve tjera.
6. Këshilli mbikëqyrës i Odës për punën e vetë i përgjigjet kuvendit të odës.

Neni 32 **Këshilli etikë**

1. Këshilli etikë:
 - 1.1. Mbikëqyr zbatimin e Kodit të Etikës dhe Deontologjisë Mjekësore;

- 1.2. Siguron udhëheqjen etiko-morale e deontologjike dhe promovon principet dhe parimet të etikës profesionale;
 - 1.3. Merr masat e duhura në rast të shkeljes së Kodit etik dhe të Deontologjisë mjekësore;
 - 1.4. Pranon dhe shqyrton ankesat nga ana e qytetarëve;
 - 1.5. Jep mendimet dhe vlerësimet për punën e anëtarëve të odës në pajtim me kodin e etikës profesionale;
 - 1.6. I ofron mbështetje qytetarëve në realizimin e së drejtës së cilësisë së shërbimeve, llojit dhe përmbajtjes së shërbimeve;
 - 1.7. Kryen dhe punë tjera të parapara me statut të odës si dhe me akte të veçanta të odës.
2. Këshilli etikë ka pesë anëtarë.
 3. Kryetarin, zëvendës-kryetarin dhe tre anëtarët e tjerë të këshillit etikë i zgjedh kuvendi nga radha e anëtarëve të odës, në pajtim me rregulloren mbi procedurën e kandidimit dhe mënyrën e zgjedhjes dhe revokimit të anëtarëve të odës dhe organeve tjera.

Neni 33

Masat Disiplinore

1. Këshilli etik është organ i shkallës së parë i cili fillon procedurën për përcaktimin e përgjegjësisë të profesionistëve shëndetësor për shkelje të ligji mbi odat mjekësore, statutit të odës dhe kodit të etikës mjekësore dhe varësisht nga shkeljet e konstatuara shqipton këto masa disiplinore:
 - 1.1. Rekomandim kolegjial;
 - 1.2. Kërkim falje ndaj pacientit;
 - 1.3. Qortim ose qortim publik,
 - 1.4. Arsimim shtesë dhe të detyrueshëm pasuniversitar dhe trajnim;
 - 1.5. Trajtimi i detyrueshëm nga alkooli, droga dhe vese të tjera;
 - 1.6. Tërheqja e përkohshme ose e përhershme e licencës dhe/ose fshirja e profesionistit shëndetësor nga regjistri;
 - 1.7. Kompensimin e dëmit të pacientit kur është e përshtatshme;
 - 1.8. Dënimi me të holla deri në 10.000 euro për çdo shkelje të ligjit, detyrave profesionale dhe etike.

Neni 34

1. Në procedure para Këshillit etik të odës zbatohen dispozitat dhe rregullat e procedurës së përgjithshme administrative të ligjit mbi procedurë penale, mbi sigurimin e provave, procesverbalin, dëgjimin e palës dhe procedurave tjera.
2. Anëtari i odës ndaj të cilit është filluar procedura disiplinore doemos duhet ti mundësohet deklarimi dhe mbrojtja pranë këshillit etik.
3. Në procedure e marrjes në pyetje të anëtarëve të odës dhe vlerësimit të provave në procedure disiplinore para këshillit etik mbahet procesverbali.
4. Sipas ankesës ndaj vendimit të këshillit etikë vendos gjyqi i nderit.

Neni 35

Fillimi i procedurës para Gjyqit të Nderit për përcaktimi e shkeljeve të anëtarit të odes nga neni 33, pika 4, 5, 6, 7, 8 nuk mund të filloj pas skadimit të një viti nga dita e shkeljes profesionale dhe shkeljes së nderit të anëtarit të odës.

Neni 36

Kriteret më të përafërta për përcaktimin e shkeljeve, procedurën për përcaktimin e përgjegjësive të profesionistëve shëndetësor për shkeljet te këtij statutit të odës dhe kodit të etikës mjekësore përcaktohen me akte të veçantë të odës.

Neni 37

Gjyqi i Nderit

1. Gjyqi i nderit i Odës Mjekësore të Kosovës është organ i Odës Mjekësore që ushtron funksionet e përcaktuara me ligj, me këtë statut dhe aktet tjera normative të odës.
2. Gjyqi i nderit ushtron funksionin e vetë në mënyrë të pavarur dhe duke u bazuar në ligjin mbi odat mjekësore, këtë statut dhe aktet tjera normative të odës.

Neni 38

Ndaj vendimit përfundimtar me të cilën është shqiptuar masa disiplinore nga neni 33 pika 4, 5, 6, 7 dhe 8 i këtij i statuti mjekët mund të ushtrojnë ankesë pranë gjykatës së nderit të odës së mjekëve.

Neni 39

Gjyqi i nderit vendosë edhe lidhur me ankesat e anëtarëve të odës, dhe parregullsive ne procesin e zgjedhjeve të organeve të odës.

Neni 40

1. Gjyqi nderit ka pesë anëtarë, Kryetarin, zëvendësin e tij dhe tre anëtarë të zgjedhur nga kuvendi i odës, në pajtim me rregulloren mbi procedurën e kandidimit dhe mënyrën e zgjedhjes dhe revokimit të anëtarëve të odës dhe organeve tjera.

2. Një anëtarë dhe zëvendësin e tij e propozon Këshilli Gjyqësorë i Kosovës.

Neni 41

Prokurori i Odës

Prokurori i Odës është organ i pavarur për inicimin e procedurës ndaj anëtarëve të odës ndaj të cilëve ekziston dyshimi i bazuar se ka bërë shkelje të ligjit, statutit dhe kodit të etikës mjekësore.

Neni 42

Rastet e shkeljes nga neni 33 i këtij statuti mund ti denoncojnë: Oda e mjekëve, Ministria e Shëndetësisë, Shoqatat e Profesionisteve Shëndetësor, Shoqatat e Mjekëve, Institucionet Shëndetësore, Fondi i Sigurimeve Shëndetësore, Prokuroria Shtetërore, anëtarët e odës dhe pala e dëmtuar.

Neni 43

1. Prokurorin edhe zëvendësin e tij e zgjedhë Kuvendi i odës nga radha e anëtarëve të odës, në pajtim me rregulloren mbi procedurën e kandidimit dhe mënyrën e zgjedhjes dhe revokimit të anëtarëve të odës dhe organeve tjera.

2. Prokurori i odës për punën e vetë i përgjigjet Kuvendit të Odës.

Neni 44

Komisionet e përhershme të odës

Oda e Mjekëve ka komisionet e përhershme dhe të përkohshme. Anëtarët e komisioneve të Kuvendeve të odës i zgjedh kuvendi i odës nga radha e anëtarëve të odës, në pajtim me rregulloren mbi procedurën e kandidimit dhe mënyrën e zgjedhjes dhe revokimit të anëtarëve të odës dhe organeve tjera

Neni 45

1. Komisionet e përhershme të odës janë :

1.1. Komisioni për çështje etike;

- 1.2. Komisioni për licencim;
- 1.3. Komisioni për edukim specialistik;
- 1.4. Komisioni për edukim të vazhdueshëm profesional;
- 1.5. Komisioni për praktiken private profesionale;
- 1.6. Komisioni për buxhet dhe financa;
- 1.7. Komisioni i solidaritetit dhe ndihmës reciproke.

Neni 46

1. Komisionet e përhershme të Odës përbëhen nga 5 anëtarë nga radhët e të cilëve zgjedhet Kryesuesi dhe zv. Kryesuesi i Komisionit.
2. Anëtarët e komisioneve të përhershme të Odës mund të jenë anëtarë vetëm të një komisioni të përhershëm.
3. Mbledhjet e Komisioneve të Përhershme i fton dhe udhëheqë kryetari i komisionit.
4. Komisionet e përhershme së paku 2 herë në vitë raportojnë për punën e tyre Këshillit Drejtues dhe Kuvendit të Odës.

Neni 47

Përbërja dhe fushëveprimi i komisionit nga neni 45 i këtij statuti përcaktohen me akte të veçanta normative.

Neni 48

1. Bordet ekzistuese në Ministrinë e Shëndetësisë që kanë në kompetencë dhe përgjegjësi çështjet e etikës profesionale, të regjistrimit dhe licencimit, të edukimit të vazhdueshëm profesional dhe të edukimit specialistikë vazhdojnë së funksionuari gjerë në aprovimin e akteve të veçanta normative që rregullojnë këto fusha të përgjegjësive të odave dhe emërimin e anëtarëve të ri të komisioneve përkatëse.
2. Transferimi i këtyre përgjegjësive do të jetë në përputhje me nenin 59 pika 9 të ligjit mbi odat e Profesionistëve Shëndetësorë.

VI. BURIMET E FINANCIMIT TË ODËS

Neni 49

1. Financimi i Odave nga buxheti i Republikës së Kosovës konform nenit 38 pika 1 të Ligjit mbi odat e profesionistëve shëndetësorë e më së largu 3 vite nga dita e miratimit të ligjit do të bëhet nga buxheti i Republikës së Kosovës respektivisht nga buxheti i Ministrisë së Shëndetësisë.

2. Ministria e Shëndetësisë në planifikimet buxhetore do të merr parasysh shpenzimet reale të odës bazuar edhe në dinamikën e bartjes së përgjegjësisë.

Neni 50

1. Oda e Mjekëve e Kosovës realizon të hyra vetanake nga:

- 1.1. Anëtarësia;
- 1.2. Kompensimi (taksës) për anëtarët e odës, taksën për licencim dhe ri-licencim si dhe lartësinë e taksës për lëshimin e certifikatave, vërtetimeve dhe dokumenteve tjera për të cilat oda mban evidencë zyrtare;
- 1.3. Dhuratat dhe donacionet e tjera si dhe të hyrat tjera në pajtim me ligjin.
- 1.4. Për ushtrimin e funksioneve nga paragrafi 2 dhe 3 të nenit 8 të ligji mbi Ligjin mbi odat e profesionistëve shëndetësor shpenzimet bëhen nga buxheti i MSh-së.

Neni 51

1. Anëtarët e odës kanë obligim që në mënyrë të rregullt të paguajnë anëtarësinë, kompensimin për regjistrim, licencim dhe shërbime të tjera administrative në pajtim me ligjin dhe aktet tjera normative të odës.

2. Në rast dështimi të përmbushjes së këtyre obligimeve organet e odës marrin masa disiplinore ndaj anëtarëve të sajë.

Neni 52

1. Mjetet e odës udhëhiqen në xhirollogarinë e odës.
2. Kryetari i odës është përgjegjës financiar i odës.
3. Oda është përgjegjëse për punën e saj dhe tërë pasurinë që disponon.

Neni 53

1. Oda hap llogari të veçantë, menaxhon mjetet e dedikuara në fondin e solidaritetit dhe ndihmës reciproke të anëtarëve të odës.

2. Mjetet nga paragrafi 1 i këtij neni mund të përdoren për ofrimin e ndihmës së drejtpërdrejtë të anëtarëve të odës, dhe të anëtarëve të familjes së tyre në rast fatkeqësie, për sigurim të odës të bartësve të sigurimit të pasurisë të personave në rast të lëshimeve profesionale si dhe aftësimin e vazhdueshëm profesional të anëtarëve të odës në pajtim me këtë ligj dhe statutin dhe aktet e tjera të odës.

Neni 54

Mjetet nga donacionet dhe dhuratat nuk mund të shfrytëzohen për mbulimin e shpenzimeve të odës përveç në rastet shprehimisht janë të destinuara për këtë qëllim

Neni 55

Me akte të veçantë të odës do të përcaktohet lartësia e kompensimit (taksës) për anëtarët e odës, taksës për licencim dhe ri-licencim si dhe e taksës për lëshimin e certifikatave, vërtetimeve dhe dokumenteve tjera për të cilat oda mban evidencë zyrtare;

VII. TRANSPARENCA E PUNES SE ODAVE

Neni 56

1. Oda e mjekeve obligohet që të njoftojnë opinionin mbi çështjet e rëndësishme nga fushëveprimi i odës.
2. Oda ka për obligim të njoftojnë organet kompetente të ndjekjes, organet kompetente të gjyqësorë dhe Ministrin përkatëse për Shëndetësi për procedure disiplinore që udhëhiqet ndaj anëtarëve të odës nga organet e odës si dhe procedurën e licencimit, rilicencimit dhe revokimit të licencës nëse dyshohet se në këto procedura ekziston dyshimi i bazuar që është kryer vepër penale.
3. Oda ka për obligim që me kërkesë të organeve nga paragrafi 2 i këtij neni t'i vejë në dispozicion të gjitha faktet dhe informatat që posedon.

Neni 57

Oda bashkëpunon me institucionet arsimore të profilit shëndetësorë, institucionet shëndetësore, shoqatat e profesionistëve shëndetësorë, fondet e sigurimeve shëndetësore lidhur me çështjet e rëndësishme për punët e odës dhe të mbrojtjes shëndetësore të qytetarëve.

Neni 58

1. Mbledhjet e Kuvendit dhe organeve tjera të odës janë të hapura për opinion .
2. Kuvendi i Odës apo organi tjetër i odës mund të vendosë për përjashtimin e opinionit nga i tërë takimi apo nga një pjesë e tije në rastet kur takimi i hapur kërcënon të zbulojë informacione të cilat janë të klasifikuara si të besueshme sipas ligjit mbi qasjen në dokumentet zyrtare, si dhe informacione të ndjeshme personale apo komerciale
3. Njoftimet për takimin e Kuvendit bëhen publike.
4. Me rregulloren mbi punën e Kuvendit parashihet procedura e njoftimeve publike për takimet e Kuvendit dhe organeve tjera.

VIII. MBIKËQYRJA E PUNËS SË ODËS

Neni 59

1. Mbikëqyrjen ndaj ligjshmërisë së punës së odës në ushtrimin e funksioneve publike nga neni 8 i ligjit mbi odat e bënë Ministria përgjegjëse për Shëndetësi.
2. Në ushtrimin e mbikëqyrjes nga pika 1 e këtij neni Ministria përgjegjëse për Shëndetësi mund të kërkon nga organet e odës raport dhe informata për çështje të caktuara.
3. Odat janë të obliguara që raportet dhe informatat nga pika 2 e këtij neni ti ofrojnë Ministrisë përgjegjëse për Shëndetësi në afat prej 30 ditësh nga dita e kërkesës, ose të informojë për arsytet për të cilat nuk është e mundur të dërgojë brenda afatit të kërkuar.
4. Odat janë të obliguara që gjerë në 31 mars të vitit vijues të dërgojnë Ministrisë përgjegjëse për Shëndetësi raportin vjetor për vitin paraparak.

Neni 60

Mbikëqyrjen e ligjshmërisë dhe shfrytëzimit të mjeteve të odës në kuptim të respektimit të dispozitave të afarizmit financiar dhe të kontabilitetit e bënë Ministria përkatëse për punë e Financave.

Neni 61

1. Ministria përgjegjëse për shëndetësi e jep pëlqimin në statutin e odës në pjesën që kanë të bëjnë me autorizimet publike të odës nga neni 8 i Ligjit mbi odat e profesionisteve shëndetësor.
2. Në rast se Ministria përgjegjëse për shëndetësi nuk deklarohet në afate prej 30 ditësh për projektstatutin, konsiderohet se është pajtuar me këtë draft-statut.

IX. AKTET E PËRGJITHSHME TË ODËS

Neni 62

1. Aktet e përgjithshme të odës janë statuti, kodi i etikës mjekësore, rregulloret e ndryshme, udhëzimet dhe vendimet e tjera të organeve të odës.
2. Aktet e përgjithshme të odës duhet të jenë në pajtim me Kushtetutën, ligjin dhe këtë statut.
3. Iniciativën për nxjerrje dhe ndryshim të akteve të përgjithshme të odës mund ta marrin organet e odës dhe shoqatat profesionale mjekësore.
4. Miratimit të akteve të përgjithshme të odës duhet ti paraprijë debati publikë, me komunitetin mjekësorë.

X. SHËRBIMI PROFESIONAL I ODAVE

Neni 63

1. Zyra Administrative ushtron veprimtaritë e mëposhtme:
 - 1.1. Ushtrimin e detyrave administrative dhe profesionale;
 - 1.2. Regjistrimin, licencimin dhe autorizimin e profesionistëve shëndetësor dhe bashkëpunëtorëve shëndetësor e që nuk janë anëtare të Odave;
 - 1.3. Mbajtjen e regjistrit të profesionistëve shëndetësor;
 - 1.4. Aktivitete të tjera që Odat mund t'i delegojnë Zyrës Administrative;
 - 1.5. Ushtron edhe detyra tjera administrative nga neni 8 dhe 9 i Ligjit mbi odat e profesionisteve shëndetësor.
2. Këto detyra duhet të kryhen në bazë të kontratës për shërbime ndërmjet Odës dhe Zyrës Administrative.

Neni 64

1. Organizimi dhe puna e zyrës administrative përcaktohet me akte të veçantë për organizimin dhe sistematizimin e punëve të miratuar nga kuvendi i odës.
2. Të punësuarit në zyrën administrative të odës i gëzojnë të gjitha të drejtat dhe obligimet të përcaktuar me ligjin e punës, këtë statut dhe aktet tjera të odës.
2. Punën e zyrës administrative e udhëheqë sekretari i përgjithshëm i odës .

Neni 65 Dispozitat shfuqizuese


Me hyrjen në fuqi të këtij Statuti të përkohshëm, shfuqizohet Statuti i përkohshëm i miratuar nga Ministri i Shëndetësisë me dt. 06 Gusht 2013.

XI. DISPOZITAT KALIMTARE

Neni 66

Ky statut i përkohshëm hyn në fuqi ditën e miratimit nga ministri i ministrisë së Shëndetësisë.

Prishtinë 11 Tetor 2013


**Ministri i Shëndetësisë
Prof. Dr. Ferid Agani**